

Ա. Լ. ՅԱԿՈԲՍՈՆ

Կյանքից հեռացավ պատմական գիտությունների դոկտոր Անատոլի Լեոպոլդովիչ Յակոբսոնը, թողնելով գիտական հարուստ ժառանգություն, այդ թվում հայ արվեստի ու ճարտարապետության վերաբերյալ:

Նա ծնվել է 1906 թ. օգոստոսի 22-ին Լենինգրադի մարզի Լուգա բաղաձուլում, անտառագետի ընտանիքում: Միջնակարգ կրթությունը Մոսկվայում ավարտելուց հետո 1922 թ. ընդունվել է Մոսկվայի առաջին պետական համալսարանի ֆիզիկա-մաթեմատիկական ֆակուլտետը, ապա փոխադրվելով Լենինգրադ, ուսումնառությունը շարունակել է այնտեղի համալսարանի լեզվագիտության և նյութական մշակույթի պատմության ֆակուլտետում, որն ավարտել է 1929 թ.: Ուսման ընթացքում էլ առաջացել է Ա. Լ. Յակոբսոնի հետաքրքրությունը Արևելյան եվրոպայի և Անդրկովկասի նյութական մշակույթի պատմության նկատմամբ:

Տակավին ուսանող, նա 1925—1927 թթ. մասնակցել է Հին Ղրիմում, Սուդակում և Խերսոնեսում գործող հնագիտական արշավախմբերի աշխատանքներին: Ն. Մառի և Հ. Օրբելու գիտական իսկապողցն անցած երիտասարդ գիտնականը միևնույն ժամանակ մեծ հետաքրքրություն է ցուցաբերել Հայաստանի նյութական մշակույթի նկատմամբ: Առաջին անգամ նա 1929 թ. Հայաստան է եկել Հ. Օրբելու գլխավորած արշավախմբի կազմում, իսկ 1936 թ. նրա ղեկավարությամբ մասնակցել է Ամբերդի պեղումներին:

Սկսած 1930 թ. Ա. Լ. Յակոբսոնը աշխատել է Լենինգրադի նյութական մշակույթի պատմության պետական ակադեմիայում (հետագայում՝ ՍՍՀՄ ԳԱ նյութական մշակույթի պատմության ինստիտուտ՝ ИИМК), հաջորդաբար զոաղեցնելով գիտատեխնիկական աշխատակցի, կրտսեր սավազ գիտական աշխատողի պաշտոնները: Այդպիսով նրա գիտական գործունեությունը ավելի բան կեն դարձնել է Սովետական Միության այդ փառաբանված գիտական օջախում:

1941 թ. Ա. Լ. Յակոբսոնը պաշտպանեց դիսերտացիա, հայցելով պատմական գիտությունների թեկնածուի գիտական աստիճան: Մինչ ծերացրվում էին նոր գիտարշավներ ղեկավարել Հայաստան, սկսվեց Հայրենական մեծ պատերազմը: Պաշարված Լենինգրադում նա մասնակցեց հաղաթափ քաղաքի հերոսական պաշտպանությանը, արտեղից հիվանդ ու հյուսվածներին թվում նա

1942 թ. Լվովում գտնվող թիկունք, Իվանովո քաղաքի հիվանդանոցը:

Ապաքինվելուց հետո նա աշխատանքի անցավ ИИМК-ի Մոսկվայի բաժանմունքում, իսկ 1945 թ. փոխադրվեց նույն ինստիտուտի Լենինգրադի բաժանմունքը, որը շուրջ չորս տասնամ-



յակ շարունակեց արդյունավետ գիտական գործունեություն մինչև կյանքի վերջը: Այդ բոլոր տարիներին նա մասնակցել է տարբեր գիտական արշավախմբերի, մեծ մասամբ Խերսոնեսի պեղման աշխատանքներին: Որպես դրանց հանրագումար, նա շարադրեց իր «Միջնադարյան Խերսոնես» մենագրությունը, որի համար 1961 թ. արժանացավ պատմական գիտությունների դոկտորի գիտական աստիճանին:

Ն. Տոկարսկուց հետո Ա. Լ. Յակոբսոնը առաջիններից էր, որ խիզախեց միջնադարյան հայ ճարտարապետության զարգացման ընդհանրական շարադրանքի փորձ կատարել, ամփոփելով այն 1950 թ. լույս տեսած «Ավանդակ Հայաստանի V—XVII դդ. ճարտարապետության» մենագրու-

թյան մեջ, որն իր դրական դերը կատարեց գիտական շրջանակներում հայ ժողովրդի ճարտարապետության ժառանգության պրոպագանդման գործում: Նույն նպատակին ծառայեց նրա աշխատությունների շարքը՝ նվիրված միջնադարյան Հայաստանի վանքային համալիրներին, Ղրիմի թերակղզու հայկական հուշարձաններին, հայկական խաչքարերին և այլն:

Տիրապետելով խոր գիտելիքների ու վերլուծական համակողմանի ամփոփումներ կատարելու արվեստին, Ա. Լ. Յակոբսոնը իր գիտական ողջ գործունեության ընթացքում կարևոր նշանակություն է տվել ճարտարապետական կապերի, տարբեր երկրների ճարտարապետության ընդհանրությունների, փոխազդեցությունների ու փոխհարստացման հարցերին: Դրանց են նրա նվիրված նրա «Հայաստան և Սիրիա. ճարտարապետական համադրություններ» (1975 թ.), «Հայաստանի և Վրաստանի միջնադարյան ճարտարապետության փոխհարաբերություններն ու փոխադարձ կապերը» (1970 թ.), «Հայաստանի և Բյուզանդիայի վաղ միջնադարյան ճարտարապետության փոխհարաբերությունները» (1973 թ.), «Կովկասյան Աղվանքի և Հայաստանի ճարտարապետական կապերը» (1977 թ.), «Բուլղարական միջնադարյան ճարտարապետության ուսումնասիրման առթիվ» (1968 թ.), «Բալկանների, Արևելյան Եվրոպայի, Անդրկովկասի և Միջին Ասիայի միջնադարյան ճարտարապետական օրինակապական մի քանի առանձնահատկությունները» (1972 թ.), «Միջնադարյան ճարտարապետության զարգացման մեջ օրինաչափության պրոբլեմը» (1982 թ.) աշխատությունները:

Ճարտարապետական կապերի ու ընդհանրությունների պրոբլեմի ուսումնասիրման հանրագումարը եղավ նրա «Վաղ միջնադարյան ճարտարապետության զարգացման պրոբլեմները» մենագրությունը (1983 թ.), որում վաղ միջնադարյան (V—VII դդ.) ճարտարապետության զարգացման օրինաչափությունները հեղինակը քննարկում է լայն ընդգրկմամբ, բրիտոնեական աշխարհի՝ մերձմիջերկրածովյան երկրների (Բյուզանդիա, Հունաստան, Իտալիա, Փոքր Ասիա, Սիրիա, Պաղեստին) ու Անդրկովկասի (Հայաստան, Վրաստան) ճարտարապետության վերաբերյալ բազմաճարտ ու նյութերի բաղդատման և զուգահեռ վերլուծման միջոցով: Գիտականի հիմնական եզրահանգումն այն է, որ ան-

կախ ոճական տարբերությունից, որն արդյունք է ճարտարապետական արվեստի ձևատեղման զուտ ազգային մտածելակերպի, բովանդակաբարձության և աշխարհում եկեղեցական ճարտարապետությունը (այդ թվում նաև Հայաստանի ու Վրաստանի), զարգացել է ենթարկվելով մի համընդհանուր օրինաչափության՝ բազիլիկ ձևերից անցնելով զմբեթավոր տարբերակների:

Ա. Լ. Յակոբսոնի տեսադաշտում մշտապես գտնվել են հայ արվեստին ու ճարտարապետությանը նվիրված աշխատությունները, որոնց մասին նա հանդես է եկել բազմաթիվ գրախոսություններով՝ ցուցաբերելով գիտնականի բարձր խիղճ, անկասկալալ վերաբերմունք ու գիտական ճշմարիտ դիրքերից ըննադատելով առանձին աշխատություններում տեղ գտած հայ ճարտարապետության ու արվեստի պատմության ազավադումները:

Հարուստ է Ա. Լ. Յակոբսոնի գիտական ժառանգությունը նաև հնագիտության մարզում: Դրան են նվիրված նրա «Վաղմիջնադարյան հերթանքներ» (1959 թ.), «Միջնադարյան Ղրիմը» (1964 թ.) մենագրությունները, առանձին աշխատություններ՝ նվիրված Անտիկ հերթանքների և Օրենկալայի (Ադրբեջանական ՍՍՀ) պեղումներին, որոնց նա մասնակից է եղել երկար տարիներ:

Մինչև իր բեղմնավոր կյանքի վերջը Ա. Լ. Յակոբսոնը շարունակում էր զբաղվել հայկական հուշարձաններով, մնաց նրանց լավագույն գիտակր: Վերջին տարիների ծանր հիվանդությունը հնարավորություն չտվեց գիտնականին նորից այցելել Հայաստան, մասնակից դառնալ հայ արվեստին ու ճարտարապետությանը նվիրված համամիութենական գիտաժողովներին ու միջազգային սիմպոզիումներին: Դրանց նա արձագանքեց հեռակա կերպով, ուղարկելով իր չկայացած դեկլարացիաների տեքստերը, որոնք հրապարակվեցին:

Ա. Լ. Յակոբսոնն իր կյանքն ապրեց գիտությունը բոլորանվեր ծառայելով, որի համար արժանացավ հարգանքի ու բարձր գնահատականի: Դրա լավագույն ապացույցը հանդիսացավ ուկրաինական կարմիր դրոշի շրանշաններով, մեդալներով ու ծննդյան 75-ամյակի առթիվ (1981 թ.) Հայկական ՍՍՀ Գերագույն սովետի պատվոգրով պարգևատրվելը:

Ճարտարապետության դոկտոր Վ. Մ. ՀԱՐՈՒԹՅԱՆՑԱՆ